


مکملہ ادبی و سیاسی رسالہ

ادبی و سیاسی رسالہ اسبوعیہ در

۳۱ نجی سنہ



۷ رمضان ۱۳۲۹

پنجشنبہ

جزو عدد : ۱۱۱

ارباب مطالعه‌دن بر ذات ، بچنده یازدینی بر مکتوبده (بال) شهرنده مؤخرآ انعقاد ایدن سیونیست قونفره سینک مذاکراتی حقنده بر خیلی مطالعات سرد ایلدکدن و بو قونفره ده ۱۰ تموز حریقزدکانسه اعانه اوله رق جمع ایدیلان بش بیک فراقلق بر مبلغ وسیله سیله صدر اعظم حتی پاشا حضرتلری طرفندن معرض تشکر و متداریده بر تلغرافنامه چکلشمش اولسنه بیان حیرت ایتدکدن صکره - سیونیست مسئله سیله صورت مخصوصه ده اشتغالز معلوم اولسنه مبنی - دنیاده موجود اولان قوم یهودک مقدار حقنده مجموعه مزده معلومات و یروپ و یرمهیه جکمری استفسار ایلش ایدی .

سیونیستلر ، اقتحام مشکلات و موانعه کوستردکری صبر و ثبات و فوق العاده عد ایدیله جک مرتبه ده بر غیرت فعالانه ایله (ارض موعود) ه حلول پولتیقه سنده دوام ایلدکری و بزده کی لاقیدی و عدم بصیرت سییاستی ایسه شکل حاضر یله دوام ایلدکجه نهایت نائل امل اولملری استبعاد اولنه میه جفی جهته ، بو مقصد قومدن فعله چیقدینی تقدیرده مملکت مزه استیلا ایدمه جک اولان یهودیلرک مقدارینه دائر ولو تقریبی اولسون بر فکر حاصل ایتمکی بزده آرزو ایلدکده اولدیغزدن بوبابه تبعاتدن خالی دکلدک ، تصادفات غریبه دن اولق اوزره مبحث عنه اولان مکتوبی آلدیغز کونلرده ایدی که ألمزه (اونیومر ایزرائلیت) یعنی (عالم بنی اسرائیل) عنوانیله یهودیلر طرفسندن نشر ایلدکده اولان غزته نک بر نسخه سی بکیدی . بونده ایسه ایوم دنیاده موجود بولان یهودیلرک مقدار یله قطعات و بلاد مختلفهیه صورت انقسامی حقنده معلومات بجمله کورلیدیکندن و بویله صلاحیتدار بر غزته طرفسندن نشر ایدیلان معلوماتک ایسه اک زیاده صحته قریب بولنسی محتمل اولدیغزدن معلومات مذکوریهی وجه آتی اوزره نقل و درج ایلورز :

[عالم بنی اسرائیل] غزته سی الیوم روی زمینده موجود اولاد یهودک مقدارینی
 (۱۱,۸۱۷,۷۸۳) فرد اولقی اوزره کوسترمکده و بو مقداردن (۸,۹۴۲,۲۶۶) سینک
 اوروپاده ، (۱,۸۸۴,۴۰۹) نک آمریقاده ، (۵۲۲,۶۳۵) نک آسیاده ،
 (۳۴۱,۸۶۷) نک آفریقاده و (۱۷,۱۰۶) نفرینکده بحر محیط کبیر جزا رنده
 متوطن بولندیغنی بیان ایلکده در .

اوروپاده متمکن اولان (۸,۹۴۲,۲۶۶) یهودیدن (۵,۱۱۰,۵۴۸) ی روسیهده
 (۱,۲۲۴,۸۹۹) ی آوستریاده ، (۸۵۱,۳۷۸) ی مجارستانده ، (۶۰۷,۸۶۲) سی
 آلمانیاده (۲۸۲,۲۸۷) سی اوروپای عثمانیده ، (۲۶۶,۶۵۲) سی رومانیاده (۳۲۸,۲۷۵)
 شی انکلتزدهده ، (۱۰۵,۹۷۸) زی هدلاندهده (۱۰۰,۰۰۰) نی فرانسهده ، (۵۲,۱۱۵) نی
 ایطالیاده ، (۳۳,۶۶۳) جی بلغارستانده ، (۱۵,۰۰۰) نی بلجیقاده ، (۲۲,۲۶۴) ی
 اسویجیرمده بولمقده در .

بیوک شهرلرده کی یهودیلرک مقدارینه کلنجه (نیورق) بلده سی بلاد موجوده
 ایچنده الک زیاده یهودی نفوسنی حاوی اولان شهردرکه مقداری (۱,۰۶۲,۰۰۰)
 عدینه بالغ اولمقده در . آندن صکره صرهمیله آتیده کی شهرلر کلمکده در :

وارشوقی	۲۰۴,۷۱۲	یهودی	۷۵,۰۰۰	فیلا دلفیا	یهودی
پشته	۱۸۶,۰۴۷	»	۷۰,۰۰۰	پارس	»
ویانه	۱۴۸,۹۲۶	»	۶۵,۰۰۰	در سعادت	»
لوندیه	۱۴۴,۳۰۰	»	۶۳,۸۴۱	ویلنا	»
اوده سا	۱۳۸,۹۳۵	»	۵۹,۰۶۵	آمستردام	»
بروقلین	۱۰۰,۰۰۰	»	۵۳,۰۰۰	قدس شریف	»
برلین	۹۸,۸۹۳	»	۵۰,۲۳۷	کیشینن	»
لوج	۹۸,۶۷۱	»	۴۵,۰۰۰	مینسک	»
شیقاغو	۸۰,۰۰۰	»	۴۴,۲۵۸	له نبرغ	»
سلانیک	۷۵,۰۰۰	»	۴۰,۵۲۳	بکرش	»

(عالم بنی اسرائیل) غزته سی سوریا و جوارنده الیوم نه مقدر یهودی بولندیغه دار هیچ بر عدد ذکر ایتماشدرکه بوده شایان تعجب اولمقدن زیاده شایان دقدر .

حال بوکه عموم ممالک عثمانیهده بش یوز الی بیك نفوس موسویه بولندیفیینه عثمانلی موسویلری طرفندن بیان ایلمکدهدر .

بالاده کی مقادیر صرهمسندده اوروبای عثمانیده ۲۸۲,۲۷۷ و قدسده ایسه ۵۳,۰۰۰ یهودی کوستریلیور . حال بوکه بوارقام قصداً تحریف اولمشدر . هله سوریه نك بلاد سارهمسی و عراق صرب و یمن قطعه لرندن تعامی ایلمشدر .

هرکجه مجهول برشی وارسه فلسطینه کی یهودیلرک بلا مبالغه ۱۸۰ بیك نفوسدن عبارت بولیشی و بونك یتیمش بش بیکی قدسک حصه سینه اصابت ایدیشی در . بو مقداری الدن کلدیکی قدر آز کوسترمک ایسترلر ؛ چونکه افکار عامه یی قوشقولاندیرمق ایسته مزلر .

حاصل کلام عالم بنی اسرائیل غزته سینک ممالک عثمانیه ایچون تعیین ایتمدیکی . مقداری استصغاره مجبورلر .

برده یهودیلر دینلجه بونلردن اخقای مذهب ایدن بعض طائفه یی استثنایه محل یوقدر . مثلاً عیسوی تعبیر عمومیسندده کافه مذاهب مسیحیه داخل اولدینی و بونده تخالف مذاهب آراغدیفی کبی موسوی و یا اسرائیلی دینلجهده اشکال مختلفهده تعارف ایدنلرینک تفریقنده محل قالماز . بو جماعانک کافه سینه شامل اولمق اوزره ، شعب مختلفهیه منقسم قوم واحد یهود اطلاق حق تعبیردر . بناء علیه بونلرده برلکده شمار ایدینلجه عثمانلی طوبراغنده کی یهودیلرک مقداری ۶۰۰,۰۰۰ بیکه بالغ اولمش اولور .

